



Reunioun vum JGR-HESPER

20.02.16 um 10:30 Auer am Jugendtreff

Présences : Nicky, Stefano, Laura, Cindy, Emerson

Ordre du Jour JGR

- Datume bis de Summer
- Nuit du Sport
- Let's work
- Treffe mam Schäfferot
- Neie Comité fir de JGR-HESPER
- Zebrasträifen
- Vëlostour
- Spillowend

Datume bis de Summer

12/03/2016 : Versammlung am Jugendtreff um 10:30h

09/04/2016 : Versammlung am Jugendtreff um 10:30h an owes Spillowend vun 18 bis 21h

23/04/2016 : Versammlung am Jugendtreff um 10:30h

14/05/2016 : Vëlostour mat Picknick um 11:00h

21/05/2016 : Propose Treffen Schäfferot um 10:30h

28/05/2016 : Versammlung am Jugendtreff um 10:30h

04/06/2016 : Nuit du Sport

18/06/2016 : Versammlung am Jugendtreff um 10:30h

09/07/2016 : Versammlung am Jugendtreff um 10:30h

Nuit du Sport

De Jugendgemengerot wëll dëst Joer erëm e Stand op der Nuit du Sport maachen a kinnt de Gedrénks- an lessensstand maachen. Kuch, Bréidercher, Grillen, Gedrénks. D'Recette

wär fir de Jugendgemengerot a kinnt fir seng Aktivitéite benotzt ginn. Jiddereen aus dem JGR freet ronderëm sech Kolleg-inn-en fir matzehëllefen.

Um Stand solle Flyere verdeelt ginn an d'Leit iwwert de JGR informéiert ginn.

Material matzebréngen: T-shirten, Roll-up

Material virzebreen: Flyeren, Panneauen iwwert Projeten

Let's work

Ateliere fir Jonker, Test-Entretien an CV Feedback. Atelier och vu 4motion. Den Emerson klärt mam Romain wéi een Atelier 4motion soll virbereeden/ubidden (Dauer, Unzuel vu Jonken, Ziler).

Treffe mam Schäfferot

De JGR proposéiert sech den 21/05/2016 um 10:30h mam Schäfferot ze treffen.

Sujeten: Zebrasträifen, Aktivitéitsplang vum JGR

De Schäfferot soll gefrot ginn op si zu engem Thema den Avis vum JGR wëll. Den Emerson kuckt mam Romain op deem Datum méiglech wär oder aner Datumsproposen fir de Mee ze kréien. Och kuckt hien iwwert de Romain op de Schäfferot Sujeten/ Dossieren huet wou en een Avis vum Jugendgemengerot wëll kréien.

Neie Comité fir de JGR-HESPER

Vu dass fir dës Reunioun net vill Leit do waren, sollen d'Wale fir di nächst Reunioun virgesi ginn.

De Stefano wär Kandidat fir Prääsident a Sekretär mee weider Leit kinnte sech melle fir d'Walen an et misst ee sech folgend Responsabilitéiten opdeelen: Prääsident-in, Vize-Prääsident-in, Sekretär-in, Trésorier-e an am Beschten hätt ee fir alles eng Persoun.

Jidderee soll sech dat also iwwerlëeë fir di nächst Kéier.

Et wäerten dofir op der nächster Versammlung anonym Wale stattfannen. Fir d'Ziedelen ze preparéieren misst ee sech virun de Wale mellen, da giff de Stefano d'Ziedele preparéieren an eng Schongkëscht matbréngen.

Zebrasträifen :

Op bestëmmte Plaze si wéineg Zebrasträifen, déi awer néideg wäere wann ee mam Hond z.B. duerch d'Felder spadséiere geet fir eng gewësse Sécherheet z'assuréieren. Dofir sollt all Member an Zukunft drop oppassen, respektiv während dem Vëlostour drop oppassen, an déi Plaze mam Handy festhalen. Da sollen déi Plazen zesummen analyséiert ginn an dann dem Schäfferot präsentéiert ginn.

Kickertournoi :

Mir organiséieren Ënn Abrëll e Kickertournoi zesumme mam Jugendhaus. D'JGRler géinge mat hiren T-Shirten deelhuelen, respektiv als kleng Präis fir déi éischt Plaz T-Shirte verginn oder e Bong vu 5 Euros deem een nëmmen am Jugendhaus kann aléisen fir do eppes z'iessen ze kafen (ass nach mam Romain ze klären).

Vëlostour :

De 14. Mee wëll de JGR e Vëlostour maachen fir ze kucke wéi vëlosfrëndlech d'Gemeng ass, wou Vëlosweeër sinn a wou een der kinnt maachen an och fir ze kucken wou et un Zebrasträife feelt. Fir d'nächst Versammlung bréngt de Stefano eng Kaart vun de Vëlosweeër aus der Gemeng mat an zesumme siche mir ee Wee dee mir da fuere géingen.

Spillowend :

De Spillowend géife mir samsdes den 9. Abrëll vun 18 bis 21h maachen.

Och um Programm : Zaubertricks vum Emerson.

Nächst Reunioun

12. Mäerz um 10:30h, Treffen am Jugendtreff

Ordre du Jour nächst JGR Versammlung

- Walen
- Update Nuit du Sport
- Update Let's work
- Déiereschutz
- Flüchtlingen
- Vëlostour : Wee plangen